

সিকুবিতে সুপেয় পানি সম্বলিত 'শহীদ মুক্ক কর্নার' উদ্বোধন

সিকুবি প্রতিনিধি

১২ জুলাই ২০২৫, ১১:০০ পিএম



জুলাই গণঅভ্যুত্থানের বর্ষপূর্তি উপলক্ষে মাসব্যাপী কর্মসূচির অংশ হিসেবে সিলেট কৃষি বিশ্ববিদ্যালয়ে জুলাই গণঅভ্যুত্থানের শহীদ মীর মুক্ক এর স্মরণে সুপেয় পানির ব্যবস্থা সম্বলিত শহীদ মুক্ক কর্নার উদ্বোধন করা হয়েছে।

আজ শনিবার বিকেলে বিশ্ববিদ্যালয়ের কেন্দ্রীয় গ্রন্থাগার সংলগ্ন এই সুপেয় পানির ব্যবস্থা সম্বলিত শহীদ মুক্ক কর্নার এর নামফলক উন্মোচন করেন উপাচার্য অধ্যাপক ড. মো. আলিমুল ইসলাম। জুলাই গণঅভ্যুত্থানের বর্ষপূর্তি উপলক্ষে মাসব্যাপী কর্মসূচির অংশ হিসেবে আর্সেনিক ও মরিচা মুক্ত বিশুদ্ধ খাবার পানি সরবরাহের জন্য এই উদ্যোগ নেয়া হয়েছে।

শহীদ মুঞ্চ কর্ণার উদ্বোধনের সময় উপাচার্য বলেন, 'জুলাইয়ে শহীদ মীর মুঞ্চ এর আত্মত্যাগের স্মরণে আমরা এই নামকরণ করেছি। পানি নেয়ার ব্যবস্থা আগেও ছিল। আমরা আরও বড় পরিসরে পানি নেয়ার ব্যবস্থা করেছি, সৌন্দর্য বর্ধন করেছি। এখান থেকে পানি নেয়ার অধিকার ছাত্র, শিক্ষক, কর্মকর্তা ও কর্মচারী সবার।'

তিনি আরো বলেন, "আমরা জুলাই মাসব্যাপী উদযাপনের আয়োজন করছি। শহীদ মুঞ্চ জুলাইয়ে যেমন বলেছে, পানি লাগবে পানি? আমরা তাঁর স্মরণে এই নিরাপদ পানির কর্ণারের নাম 'শহীদ মুঞ্চ কর্ণার' করেছি। মীর মুঞ্চ সবার, আশা করি সামনে এই নাম অপরিবর্তিত থাকবে।"

এ সময় সিকৃবির ট্রেজারার অধ্যাপক ড. এ.টি.এম. মাহবুব-ই-ইলাহী, ছাত্র পরামর্শ ও নির্দেশনা দপ্তরের পরিচালক অধ্যাপক ড. মোহাম্মদ সামিউল আহসান তালুকদারসহ বিভিন্ন অনুষদীয় ডিন, বিভিন্ন দপ্তরের পরিচালক, হল প্রভোস্ট, রেজিস্ট্রার, দপ্তর প্রধানসহ শিক্ষার্থী, কর্মকর্তা-কর্মচারী উপস্থিত ছিলেন।